



經訓堂本墨子

肆

□ 13  
3085  
4

6 7 8 9 30 1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90 1 2 3 4 5 6 7 8 9 100

口13  
8985  
4

墨子卷之九

叢書齋叢書齋有勸都史巡撫陝西等處鹽務鹽課銅錢一品鹽業局

非樂中第三十三

闕

非樂下第三十四

闕

非命上第三十五

子墨子言曰古者王公大人爲政國家者皆欲國家之富人民之衆刑政之治然而不得富而得貧不得衆而得寡不得治而得亂則是本失其所欲得其所惡是故何也子墨子言曰執有命者以襍於民間者衆執有命者之言曰命富則富命貧則貧命衆則衆命寡則寡命治則治命亂則亂命壽則壽命天則天命雖強勁何益哉上以說王公

大人下以駟百姓之從事

駟阻字假音說文云駟从馬與聲劉遠注左思賦引說文于助

反故執有命者不仁故當執有命者之言不可不明辨然

則明辨此之說將柰何哉子墨子言曰必立儀言而毋儀

譬猶運鈞之上而立朝夕者也

運中篇作貞音相近廣雅云運轉也高誘注淮南子義曰陶人作瓦器法下轉鈞者史記集解云駟案漢書音

尺有絃所以調爲器具也言運鈞轉動無定必不可立表以測景

是非利害之辨不可得

而明知也故言必有三表何謂三表子墨子言曰有本之者有原之者有用之者於何本之上本之於古者聖王之事於何原之下原察百姓耳目之實於何用之廢以爲刑政

盧云廢置也中篇作發

觀其中國家百姓人民之利此所謂言有

三表也然而今天下之士君子或以命爲有益蓋嘗尚觀

於聖王之事古者桀之所亂湯受而治之紂之所亂武王受而治之此世未易民未渝在桀於桀紂則天下亂在於湯武則天下治豈可謂有命哉然而今天下之士君子或以命爲有益嘗尚觀於先王之書先王之書所以亦嘗有曰福不可請而禍不可諱敬無益暴無傷者乎所以聽獄制罪者刑也先王之刑亦嘗有曰福不可請禍不可諱敬無益暴無傷者乎所以整設師旅進退師徒者誓也先王之誓亦嘗有曰福不可請禍不可諱敬無益暴無傷者乎是故子墨子言曰吾當未鹽此盡字之譌數天下之良書不可盡計數大方論數而五者是也

王之憲之刑之誓

是今雖毋求執有命者之言不必得不亦可錯乎今用執  
有命者之言是覆天下之義覆天下之義者是立命者也  
百姓之誑也說百姓之誑者爾雅云誑告也陸德明音義云沈音粹郭音碎言以此告  
百姓是滅天下之人也然則所爲欲義在上者何也曰義人  
在上天下必治上帝山川鬼神必有幹主幹當爲幹此萬管字假音  
民被其大利何以知之子墨子曰古者湯封於毫毫當爲薄毫京兆杜陵亭也从高省毛聲史記集解云除廣曰京兆杜縣有毫亭索隱云秦寧公與毫王戰毫王奔遂滅毫王  
皇甫謐云周桓王時自有毫王號湯非殷也此毫在陝西長安縣南若殷湯所封是河南偃師之薄書傳及本書亦多作薄惟孟子作毫蓋借音字後人依改亂之顧炎武不考史記反以此譏許君地里之謬是以不狃爲狃也絕長繼短方地百里與其百姓兼相愛交相利移則分言財或多字率其百姓以上尊天事鬼是以天鬼富之諸侯與分也移或多字

之百姓親之賢士歸之未歿其世而王天下政諸侯昔者文王封於岐周岐岐山周周原絕長繼短地方百里與其百姓兼相愛交相利則是以近者安其政遠者歸其德聞文王者皆起而趨之罷不肖股肱不利者處而願之曰柰何乎使文王之地及我吾則吾利豈不亦猶文王之民也哉是以天鬼富之諸侯與之百姓親之賢士歸之未歿其世而王天下征諸侯鄉者言曰鄉同義人在上天下必治上帝山川鬼神必有幹主萬民被其大利吾用此知之是故古之聖王發憲出令設以爲賞罰以勸賢中篇作勸沮是是以入則孝慈於親戚出則弟長於鄉里坐處有度出入有節男女有辨是故使治官府則不盜竊守城則不崩叛君有難則死

出亡則送此上之所賞而百姓之所譽也執有命者之言  
曰上之所賞命固且賞非賢故賞也上之所罰命固且罰  
不暴故罰也是故入則不慈孝於親戚出則不弟長於鄉  
里坐處不度出入無節男女無辨是故治官府則盜竊守  
城則崩叛君有難則不死出亡則不送此上之所罰百姓  
之所非毀也執有命者言曰上之所罰命固且罰不暴故  
罰也上之所賞命固且賞非賢故賞也以此爲君則不義  
爲臣則不忠爲父則不慈爲子則不孝爲兄則不良爲弟  
則不弟而強執此者此持凶言之所自生而暴人之道也  
舊作者下文改據然則何以知命之爲暴人之道昔上世之窮民  
貪於飲食惰於從事是以衣食舊脫此字据上文增之財不足而飢

寒凍餒之憂至不知曰我罷不肖從事不疾必曰我命固  
且貧若上世暴王不忍其耳目之淫心涂之辟余猶不順  
其親戚遂以亡失國家傾覆社稷不知曰我罷不肖爲政  
不善必曰吾命固失之於仲虺之告曰我聞于夏人矯天  
命布命于下孔書作夏王有罪矯上誣上天以布命于下帝伐之惡非命中作式  
音相近之是帝伐之惡是惡式伐形此言湯  
鬼神孔書作乃夷居弗事上帝禍厥先神禔不祀孔書作遺厥先宗廟弗祀此言武王所以非紂据上文當有之字執有命也  
今用執有命者之言則上不聽治下不從事上不聽治則

刑政亂下不從事則財用不足上無以供粢盛酒醴祭祀上帝鬼神降綏天下賢可之士外無以應待諸侯之賓客內無以食飢衣寒將養老弱故命上不利於天中不利於鬼下不利於人而強執此者此持凶言之所自生而暴人之道也是故子墨子言曰今天下之士君子忠<sub>下篇作中</sub>實欲天下之富而惡其貧欲天下之治而惡其亂執有命者之言不可不非此天下之大害也

非命中第三十六

子墨子言曰凡出言談由文學之爲道也則不可而不先立義法義上篇作儀義儀同若言而無義譬猶立朝夕於員鈞之上也則雖有巧工必不能得正焉然今天下之情僞未可得

而識也故使言有三法三法者何也有本之者有原之者有用之者於其本之也考之天鬼之志聖王之事於其原之也徵以先王之書用之柰何發而爲刑據上篇有政字此言之三法也今天下之士君子盧云此下當有或以命爲有五字或以命爲亡我所以知命之有與亡者以衆人耳目之情知有與亡有聞之有見之謂之有莫之聞莫之見謂之亡然胡不舊脫此字文增嘗考之百姓之情自古以及今生民以來者亦嘗見命之物聞命之聲者平則未嘗有也若以百姓爲愚不肖耳目之情不足因而爲法然則胡不嘗考之諸侯之傳言流語乎自古以及今生民以來者亦嘗有聞命之聲見命之體者乎則未嘗有也然胡不嘗考之聖王之事古之聖

王舉孝子而勸之事親尊賢良而勸之爲善發憲布令以教誨賞罰以勸沮若此則亂者可使治而危者可使安矣若以爲不然昔者桀之所亂湯治之紂之所亂武王治之此世不渝而民不改上變政而民易教其在湯武則治其在桀紂則亂安危治亂在上之發政也則豈可謂有命哉夫曰有命云者亦不然矣今夫有命者言曰我非作之後世也自昔三代有若言以傳流矣今故先生對之曰未詳爲夫有命者不志昔也下篇作不識昔志卽識字歟如意亡十同昔三代之暴不肖人也下篇作與同何以知之言有命之說不識出之昔者聖善人乎意亡初之列士桀此言出之暴不肖人乎彼固亡知之妄言大夫慎言知行此上有以規諫其君長下有以教順其百

姓順同訓故上有以規諫其君長下有以教順其百姓盧云此已上十七字衍文故上得其君長之賞下得其百姓之譽列士桀大夫聲聞不廢流傳至今而天下皆曰其力也一不顧其國家百姓之政繁爲無用暴逆百姓使下不親其上是故國爲虛厲陸德明莊子音義云李云居宅無人曰虛死而無後曰厲身在刑僇之中必不能曰我見命焉是故昔者三代之暴王不繆其耳目之淫言不糾不愼其心志之僻僻外同之歐聘田獵畢弋說文云古文驅其繆从內沈於酒樂不曰二字舊脫我舊作而一本下文增我本如此罷不肖我爲刑政不善必曰我命故且亡雖昔也三代之窮民亦由此也內之不能善事一本作視其親戚外不能善事其君長惡恭儉而好簡易貪飲食而惰從事衣食之財不足使身至有

饑寒凍餒之憂必以意改不能曰我罷不肖我從事不疾  
必曰我命固且窮雖昔也三代之僞民亦猶此也繁飾有  
命以教衆愚樸人久矣聖王之患此也故書之竹帛琢之  
金石於先王之書仲虺之告曰我聞有夏人矯天命布命  
于下帝式是惡用闕當是喪師下篇作用此語夏王桀之  
執有命也湯與仲虺其非之先王之書太誓之言然曰紂  
夷之居而不有事上帝棄闕其先神而不祀也曰我民有  
命毋侈其務言母勤力其事也上二篇俱當从此孔書作因憲其侮義異或云僞泰誓不足據不如此  
文天亦不棄縱而不葆文與上文篇小異此言紂之執有命也武  
王以太誓非之有於三代不國有之曰女毋崇天之有命  
也命三不國亦言命之無也於召公之執令於然且當爲曰

敬哉無天命惟予二人而無造言不自降天之哉得之在  
於商夏之詩書曰命者暴王作之且今天下之士君子將  
欲辯是非利害之故當天當爲夫有命者不可不疾非也執  
有命者此天下之厚害也是故子墨子非也

非命下第三十七

子墨子言曰凡出言談則必可而不先立儀而言一本作則必先立義若不先立儀而言譬之猶運鈞之上而立朝夕焉也  
我以爲雖有朝夕之辯必將終未可得而從定也是故言  
有三法何謂三法曰有考之者有一本如此字原之者有用  
之者惡乎考之考先聖大王之事惡乎原之察衆之耳目  
之請據前篇當爲情惡乎用之發而爲政乎國察萬民而觀之此

謂三法也故昔者三代聖王禹湯文武方爲政乎天下之時曰必務舉孝子而勸之事親尊賢良之人而教之爲善是故出政施教賞善罰暴且以爲若此則天下之亂也將屬可得而治也社稷之危也將屬可得而定也若以爲不然昔桀之所亂湯治之紂之所亂武王治之當此之時世不渝而民不易文選注引此治作理世作時民作人皆唐人避諱改上變政而民改俗存乎桀紂而天下亂存乎湯武而天下治天下之治也湯武之力也天下之亂也桀紂之罪也若以此觀之夫安危治亂存乎上之爲政也則夫豈可謂有命哉故昔者禹湯文武方爲政乎天下之時曰必使飢者得食寒者得衣勞者得息亂者得治遂得光譽令問於天下夫豈可以爲

命哉故以爲其力也今賢良之人尊賢而好功一本無道此字讀如能一本無此字非術故上得其王公大人之賞下得其萬民之譽遂得光譽令問於天下亦豈以爲其命哉又以爲力也然今夫有命者不識昔也三代之聖善人與意亡昔三代之暴不肖人與若以說觀之則必非昔三代聖善人也必暴不肖人也然今以命爲有者昔三代暴王桀紂幽厲貴爲天子富有一天於此乎不而讀如能一本無此字非矯其耳目之欲而從其心意之辟外之畋騁田獵畢弋內湛於酒樂中篇湛作沈而不顧其國家百姓之政繁爲無用暴逆百姓遂失其宗廟其言不曰吾罷不肖吾聽治不強必曰吾命固將失之雖昔也三代罷不肖之民亦猶此也不能善事親戚君長甚惡恭

儉而好簡易，貪飲食而惰，從事衣食之財不足是以身有  
陷乎飢寒凍餒之憂。其言不曰吾罷不肖吾從事不強，又  
曰吾命固將窮。昔三代僞民亦猶此也。昔者暴王作之窮  
人舊脫此字一本有術之述同此皆疑衆遲樸言沮樸實之人先聖王之  
患之也。固在前矣。是以書之竹帛鏤之金石琢之盤盂傳  
遺後世。子孫曰何書焉存禹之總德有之曰允不著惟天  
民不而葆而同能葆同保既防凶心天加之咎不慎厥德天命焉  
葆。仲虺之告曰我聞有夏人矯天命于下帝式是增當作惡或  
憎用爽厥師彼用無爲有故謂矯若有而謂有夫豈爲矯  
哉。昔者桀執有命而行湯爲仲虺之告以非之太誓之言  
也。於去發未詳曰惡乎君子天有顯德其行甚章爲鑑不遠

在彼殷王謂人有命謂敬不可行謂祭無益謂暴無傷。上  
帝不常九有以亡上帝不順祝降其喪惟我有周受之大  
帝文畧見孔書泰誓昔紂執有命而行武王爲太誓去發以非之  
曰子胡不尚考之乎商周虞夏之記從十簡之篇以尙皆  
無之將何若者也是故子墨子曰今天下之君子之爲文  
學出言談也非將勤勞其惟一本無賴舌而利其脣眠也眠唇字省  
文說文云吻口邊也又有唇字云或从凡从唇此省日耳中實將欲其國家邑里萬民  
刑政者也今也王公大人之所以早朝晏退聽獄治政終  
朝均分而不敢息一本無此字是怠倦者何也曰彼以爲强必治  
不強必亂强必寧不強必危故不敢怠倦今也卿大夫之  
所以竭股肱之力殫其思慮之知內治官府外斂關市山

林澤梁之利以實官府而不敢怠倦者何也曰彼以爲强大必貴不強必賤強必榮不強必辱故不敢怠倦今也農夫之所以蚤出暮入强乎耕稼樹藝多聚升粟而不敢怠倦者何也曰彼以爲強必富不強必貧強必飽不強必飢故不敢怠倦今也婦人之所以舊脫此字據上文增夙興夜寐強乎紡績織紝多治麻統說文云統絲曼延也葛緒紵字假音捆束也此俗寫布怠乎治官府矣農夫必怠乎耕稼樹藝矣婦人必怠乎紡績織紝矣王公大人怠乎聽獄治政卿大夫怠乎治官府

則我以爲天下必亂矣農夫怠乎耕稼樹藝婦人怠乎紡績織紝則我以爲天下衣食之財將必不足矣若以爲政乎天下上以事天鬼天鬼不使當爲便字下以待養百姓百姓不利必離散不可得用也是以入守則不固出誅則不勝故雖昔者三代暴王桀紂幽厲之所以共耘其國家耘失領甲覆其社稷者此也是故子墨子言曰今天下之士君子中實將欲求興天下之利除天下之害當若有命者言也曰命者暴王所作窮人所術非人者之言也今之爲仁義者將不可不察而强非者此也

非儒上第三十八

闕

非儒下第三十九

孔叢詰墨篇多引此詞此述墨氏之學者設師言以折儒也故親士諸篇

無子墨子言曰者舊自著也此無子墨子言曰者門人小子聽說之詞并不敢以誣翟也例雖同而事異後人以此病翟非也說文

云儒柔也術士之稱

儒者曰親親有術尊賢有等言親疏尊卑之異也其禮曰喪父母三年其父在爲母期也妻舊脫此字同言期也據下文增後子三年後嗣子適也左傳曰王一年有三年之喪二周禮如此伯父叔父弟兄庶子其與期戚族人五月若以親疏爲歲月之數則親者多而疏者少矣是妻後子與父同也若以尊卑爲歲月數則是尊其妻子與父母同而親伯父宗兄而卑子也盧云似當云而卑與子同也逆孰大焉其親死列戶弗祔同登屋窺井挑鼠穴探滌器而求其人焉以爲實在則蠭愚甚矣說文云蠭愚也愚蠭也玉篇蠭陟絳切顏師古注漢書云古音下紺反今則竹巷反如其亡也必求焉僞亦大矣取妻身迎

祗孺爲僕說文云祗敬也孺衣正幅則瑞亦正意與端同秉轡授綏如仰嚴親昏禮威儀如承祭祀顛覆上下悖逆父母下則妻子言爲妻妻子上侵事親若此可謂孝乎儒舊作傳据下文改者當云儒迎妻妻之奉祭祀子將守宗廟故重之應之曰此誣言也其宗兄守其先宗廟數十年死喪之其同兄弟之妻奉其先之祭祀弗散盧云當爲服則喪舊文妻子三年必非以守奉舊文祭祀也夫憂妻子以大負桀有曰所以重親也爲欲厚所至私作和以輕所至重豈非大姦也哉有強執有命以說議曰壽夭貧富安危治亂固有天命不可損益窮達賞罰幸否說文云幸吉而免凶也从尹从天有極人之知力不能爲焉群夭死之事故死謂之不幸有極人之知力不能爲焉群吏信之則怠於分職庶人信之則怠於從事不治則亂農

事緩則貧，貧且亂。政之本而儒者以爲道教。是賤天下之人者也。且夫繁飾禮以淫，人久喪爲哀以謾親。說文云謾也。玉篇周禮音義云徐望仙反。云莫殷馬諫二反。陸德明立命緩貧而高浩居。同微倨說文云居蹲也。倍本棄事而安怠傲。舊作徹。以意改。貪於飲酒，惰於作務。陷於飢寒，危於凍餒。無以違之。是若人氣，飄鼠藏。爾雅有飄鼠云孫炎云。齕者頰裏也。郭云以頰內藏食也。字林云卽飄鼠也。說文云。齕齕也。玉篇云。齕齕也。廣雅云。二歲曰。齕。說文誤也。說文云。齕齕也。玉篇云。齕齕也。廣雅云。二歲曰。齕。說文而羝羊視。爾雅云。羊牡粉注。羝。廣雅云。羝。音義云。字林云。羣羊也。然則羝粉。易大畜云。犧豕之牙。崔憬曰。說文。犧。羣皆牡羊。貢彘起。豕今俗猶呼劇豬是也。案說文作羶豕。崔以意改之。羶與犧義同。劇者犧假音。玉篇云。犧扶云。切犧也。君子笑之怒曰散人。漢書云。冗食注曰。文穎曰。冗散也。說文云。冗散也。从宀儿在屋下。無田事。玉篇云。如勇切。則此云。散人。猶冗人焉知良儒。夫夏乞麥禾五穀既收。大喪是隨子姓皆從得厭飲食。

畢治數喪，足以至矣。因人之家翠。廣雅脣肥也。此古字以爲疑有特人之野。言禾麥在野以爲尊富人有喪乃大說喜。曰此衣食之端也。儒者曰君子必服古言然後仁應之。曰所謂古之者皆嘗新矣。而古人服之則君子也。然則必法非君子之服言非君子之言而後仁乎？又曰君子循而不作應之。曰古者羿作弓。羿，羿省文說文云。羿古諸侯也。一曰射師。羿作甲。羿，卽杼少康子仲作車巧垂作舟。北堂書抄引作倕。太平御覽作鍾事類賦引作工倕。太平御覽引有云禹造粉疑在此。然則今之鮑函車匠考工記有南鮑鄭君注云鮑讀此有鮑。鮑陸德明音義云劉音僕說文云鮑柔革工也。从革包聲讀若朴周公曰柔皮之工鮑氏鮑卽鮑也。皆君子也。而羿作奚仲巧垂皆小人邪？且其所循人必或作之。然則其所循皆小人道也。又以意改。舊作人。曰君子勝不逐奔。揜

函弗射施

舊作弘  
下文改

則勝

之胥車應之曰若皆仁人也則

無說而相與仁人

以其取舍是非之理相告無故從有故

也弗知從有知也

無辭必服見善必遷何故相若兩暴交

爭其勝者欲不逐奔掩函

弗射施則助之胥車雖盡能猶

且不得爲君子也

意暴殘之國也聖將爲世除害興師誅

罰勝將因用傳衍令士卒

曰毋逐奔掩函勿射施則助之胥車暴亂之人也得活天下害不除是爲群殘父母而深

賤世也不義莫大焉

又曰君上文改子若鍾擊之則鳴

弗擊不鳴

此出說苑云趙襄子謂子路曰吾嘗問孔子曰

子路曰逮天下之鳴鐘撞之以筵豈能發其音聲哉

應之曰夫仁人事上竭忠事親得孝務善則美有過則諫此爲人臣之道也今擊之則

鳴弗擊不鳴隱知豫

言隱其先知豫事之誠

力恬漠待問而後對雖

有君親之大利弗問不言若將

有大寇亂盜賊將作若機辟將發也

辟同

他人不知已獨知之雖其君親皆在不問

不言是夫大亂之賊也以是爲人臣不忠爲子不孝事兄

不弟交遇人不貞良夫孰後不言之朝物見利使已雖恐

後言君若言而未有利焉則高拱下視會噎爲深

論文云會喚咽也

讀若伏噎飯室也會

與嚙同不言之意

曰惟其未之學也用誰急遺行遠矣

舊作偏近以循身不義不處非理不行務興天下之利曲以意改

直周旋利則止此君子之道也以所聞孔某之行

某字舊作孔子

諱今改

此則本與此相反繆也齊景公問晏子曰孔子爲人

何如晏子不對公又復問不對景公曰以孔某語寡人者衆矣俱以賢人也今寡人問之而子不對何也晏子對曰嬰不肖不足以知賢人雖然嬰聞所謂賢人者入人之國必務合其君臣之親而弭其上下之怨孔某之荆知白公之謀而奉之以石乞君身幾滅而白公僇孔叢詰墨云自六年秋也孔卒十旬子已在哀公十嬰聞賢人得上不虛得下不危言聽於君必利人教行下必於上是以言明而易知也行易而從也行義可明平民謀慮可通乎君臣今孔某深慮同謀以奉賊勞思盡知以行邪勸下亂上教臣殺君孔叢引殺作弑非賢人之行也入人之國而與人之賊非義之類也知人不忠趣之爲亂趣讀非仁義之也脫逃入而後謀避人而后言行義

不可明於民謀慮不可通於君臣嬰不知孔某之有異於白公也是以不對景公曰嗚乎貺寡人者衆矣覩當爲況此俗寫非夫子則吾終身不知孔某之與白公同也孔某之齊見景公景公說欲封之以尼谿以告晏子晏子曰不可夫儒浩居而自順者也盧云晏子外篇與此多同浩居作浩裾元案史記作倨傲自順不可以教下好樂而淫人不可以使親治立命而怠事不可以使守職宗喪循哀孔叢史記宗作崇不可以使慈民機服勉容盧云晏子作異于服勉于世晏子儒作博議作儀勞思不可以補民三字舊脫盧据晏子增索壽不能盡其學當年不能行其禮積財不能贍其樂繁飾邪術以營

世君

說文云營惑也家去營惑諸侯高誘注淮南子曰營惑也營同營音相近

盛爲聲樂

以淫遇民

當爲愚民

其道不可以期世其學不可以導衆

孔叢作家

非今君封之以利齊俗

史記云君欲用之非所以導國先據孔叢增

衆

公曰

二字舊脫據孔叢增

善於是厚其

二字舊脫盧禮留其封敬

見而不問其道孔乃恚

舊作盧改志

怒於景公與晏子乃樹鴟

夷子皮

卽范蠡也韓非子云鴟夷子皮事田成子成子去齊走而之燕鴟夷子皮負傳而從按史記貨殖傳云范蠡變名易姓適齊爲鴟夷子皮

於田常之門告南郭惠子以所欲爲歸

於魯有頃閒齊將伐魯

言伺其閒

告子貢曰賜乎舉大事於今

之時矣乃遣子貢之齊因南郭惠子以見田常勸之伐吳

以教高國鮑晏使母得害田常之亂勸越伐吳三年之內

齊吳破國之難伏尸以言術數孔某之誅也

言孔子之責也孔某

爲魯司寇舍公家而奉

舊作於據孔叢改

季孫季孫相魯君而走

季孫與邑人爭門闥

列子云孔子勁能招國門之決植

慎大云孔子之勁舉國門之闥而不肯以力聞此云決植卽其事也說文云植戶植也似言季氏爭闥而出孔子決門植以孔某窮於蔡陳之間

孔叢窮作瓦

藜羹不糲

魏文類聚引作藜蒸

不糲北堂書抄作不糲太平御覽作糲一作糲荀子云七日不火食藜羹不糲楊倞云糲與糲同蘇覽反說文云糲

以米和羹也一日粒也古文糲从參則糲糲古今字

孔叢十日子路爲享豚

孔叢太平御引享作烹

俗寫耳享卽烹字

孔某不問肉之所由來而食

魏文類聚引作不問肉所從來卽食

之號人衣

號穉字之誤孔叢作剥

以酷酒

孔叢酷作沽同

孔某不問酒之所

由來而飲哀公迎孔某席不端弗坐割不正弗食子路進

文選注引反作異

孔某曰來吾與女

當爲語女

請曰何其與陳蔡反也

文選注引反作異

孔某曰來吾與女

當爲語女

曩與女爲苟生

苟且今與女爲苟義

舊云曩與女爲苟義脫五字據文選注增

夫

飢約則不辭忘衍字妄取以活身羸飽僞行以自飾汙邪詐僞孰大於此孔某與其門弟子閒坐曰夫舜見瞽叟就然舊作然就孫以意改孟子云舜見瞽叟其容有蹙韓非子忠孝云記曰舜見瞽叟其容造焉孔子曰當是時也危哉天下岌岌荀子亦同作造案就蹙造三音皆相近此時天下坡乎坡舊作坡以非子作周公旦非其人也邪何爲亦舍舊作舍亦岌岌魯云如此家室而託寓也孔某所行心術所至也其徒屬弟子皆效孔某子貢季路輔孔悝亂舊脫此字据孔叢云以亂衛增乎衛陽虎亂乎齊孔叢佛肸以中牟叛秦雕刑殘孔叢作漆雕開形殘莫大焉莫當脫夫爲弟子後生其師必脩其言法其行力不足知弗一字及而後已今孔某之行如此儒士則可以疑矣

墨子卷之九

靈巖山館刊

墨子卷之十

早稻田大學圖書

蠡鄧鄮鄒饗奮鄒史巡撫西塞廬石寶璧鑿糲餉餚一品帶冕棨幢經上第四十此翟自著故號曰經中亦無子墨子曰云云按宋潛谿云上卷七篇號曰經中卷下卷六篇號曰論上卷七篇則自親士至三辯也此經似反不在其數然本書固稱經詞亦最古豈後人移其篇第與唐宋傳注亦無引此故譌錯獨多不可句讀也

故所得而後成也說文云故使爲之也或與固同事之固然言已得成也止以久也以同體分於兼也孟子云有一體人之一體必不巳也言事必行知材也言知平同高也言上平慮求也謀慮有求同長以缶缶卽正字盧云刻投心缶覺如此相盡也知接也知以接物中同長也中孔四量如一恕明也推已及人厚有所大也仁體愛也曰中句西南也義利也易曰利者義之和直參說文云直正見也論語子曰立則見其參于前禮敬也

圓一中同長也

一中言也量

行爲也方柱隅四謹也

謹疑

維實榮也

實至則名榮

倍爲二也

倍之是爲二

忠以爲利而強低也

字言以利人爲端體之無序而最前者也

序言次序說文云志而能自下者之中

纏閒虛也

盧云纏猶墳壘之壘

孝利親也有閒中也

閒隙是二信言合於意也閒不及旁者之中

纏閒虛也

言聞僕也

僕自作也

說文云僕俠也此云自作未詳也

纏閒虛也

字書無謂此字

作嫌也盈莫不有也廉作非也

言使人爲之不自作

纏相得也

堅白不相外也令不爲所作也

言使人爲之不自作

纏相得也

任士損已而益所爲也

謂輕財者爲粵粵與任同

似

有以相攖有不相攖也勇志之所以敢也

敢次無閒而不

纏相攖也力刑

形

之所以奮也是強力

法所若而然也

若順言有

成法可從生刑

形同與知處也

言人處世惟形體與知識

但所然也

然猶順耳之言貳或

謂任俠說文云粵俠也三輔

謂輕財者爲粵粵與任同

似

爲爾字假音說文云尔必然也臥知無知也而不可爲知說所以明也

解夢臥而以爲然也言夢中所知

攸不可句兩不可也平以爲實然

句知無欲惡也辯爭彼也辯勝勝負當當意

如讀如

也利所得而

喜也謂夢所見爲窮知而儻於欲也言知之所到而

害所得而欲爲儻同懸

而

害所得而欲爲儻同懸

而

惡也謂夢已成句亡

治求得也言事既治

使句謂故說

所求得

而

譽明美也名句達類私句誹明惡也謂句移舉

經說上改說親句名句

實合爲句

而

言出舉也聞句傳親句且舊衍一且言然也見句體盡句

字以意刪

而

而

君臣萌疑同名通約也合句舌空句必句功利民也欲舌

權利且惡舌權害賞上報下之功也爲句存亡易蕩治化

句罪犯禁也同句重體令類句罰上報下之罪也異句

而

句

卷之十

句

句

體不合不類句 同異而偏於之一也 同異交得放有無句  
久彌異時也言不易其時故曰久 守彌異所也言不移其故曰守 聞耳之聰  
也窮或有前不容尺也循句猶云從 所聞而得其意心之也舊作改下文  
而意得見心之辯也化徵易也諾不一利用句 损句 偏去  
也言損是去其半 服孰說音利汎案音利二巧轉句 則求其故大  
益句 僂糗祗句經說上作昫 法同則觀其同句 庫盧云庫疑庫與障同見下文  
行舌無非說文云非違也从飛下狹取其相背言此篇當每句兩截分寫如新考定本故云旁行可讀

經下第四十一

止類以行人句 說在同所存句 與者於存與孰存駟異說推類之難說在之大小句 五行母常勝說在宜物盡句 同名句 二與鬪句 愛食與招句 白與視句 麗與夫與履句 一偏棄之謂而固言固陋 是也說在因不可偏去而二句 說在見與俱句 一與二句 廣與循句 無欲惡之爲益損也說在宣不能而不害說在害句 損而不害說在餘句 異類不然說文無此字玉篇云 說在量句 知而不以五路說在久此說文此字必切鳴毗此 說在故句 必熟說在頓假句 必諍說在不知之句 與所以使人知之句 不必同說在病無句 不必待有說在所謂句 疑說在逢句 循遇過擢慮不疑說在有無

合與一句或復否說在拒且然句不可正而不害用工說  
在宜歐句物一體也說在俱一句惟是均之絕不說在所  
均句宇或徙舊作從以意改說在長宇久句堯之義也生於今而  
處於古而異時說在所義二句臨鑑而立句景到即今影  
文多而若少若猶順說在寡區句狗犬也而殺狗非句殺犬  
也可說在重句鑑位當云鑑立古位立字通量一小而易一大而舌  
說在中之句外內使殷美說在使鑑圍景一不堅白說在  
荆之大其沈淺也說在具無久與宇堅白說在因以檻爲  
搏於以爲無知也說在意句在諸其必然未者然說在於  
是推之意未可知說在可用過仵卽午字異文玉篇云仵古吳切偶敵也非此義  
景不從說在改爲句一少於二而多於五說在建住景二

說在重非半弗斲玉篇云斲知略切破也盧云非此義此當與斫斲義同沅案斲卽斲字異文耳  
則不動說在端句景到在午有端與景長說在端可無也  
有之而不可去說在嘗然句景迎日說在搏舌而不可擋  
說在搏句景之小大說在地西遠近句宇進無近說在敷  
天而必舌說在得行句循以久說在先後句貞而不撓說  
在勝句法者之相與也盡若方之相召也說在方句契  
與枝板說在薄句狂舉不可以知異說在有不可句牛馬  
之非牛與可之同說在兼句倚者不可正說在剝循此句  
循此與彼此同說在異句推之必往說在廢材句唱和同  
患說在功句買無貴說在佞性反字異文下仿此其賈句聞所不知  
若所知則兩知之說在告句賈宜則讐售字古只作讐後省前漢書高帝紀

云高祖每酷留飲酒讐數倍如淳曰讐亦售也說在盡句以言爲盡諄諄說其在言無說而懼說在弗心惟吾謂非名也則不可說在假或過名也說在實無窮不害兼說在盈否知句知之否之足用也諄說在無以也不知其數而知其盡也說在明者句謂辯無勝必不當說在辯不知其所處不害愛之說在喪子者無不讓也不可說在始仁義之爲外內也內說在此亦未詳其義顏於一有知焉有不知焉說在存學之益也說在誹者有指於二而不可逃說在以二叅說文云叅增也从重也漢書注孟康曰叅音累蠱師古曰叅从糸叅十黍之孟康音來戈反此字讀亦音累泄之纍誹之可否句不以衆寡說在可非句所知而弗能指說在春也逃臣狗犬貴者非誹者諄說在弗非句知狗而自謂不知犬句過也

說在重物句箕不甚說在若是通意後對說在不知其誰謂也取下以求上也說在澤是句是與是同說在不州疑云不同

經說上第四十二

故小故有之不必然無之必不然此釋經上故所得而後成也體也若有端大故有之必無然若見之成見也體若二之一尺之端也此釋經上體知材知也者所以知也而必知若明慮此釋經上慮也者以其知有求也而不必得之若覩知此求也知也者以其知過物而能貌之若見恕此釋經上知接也恕也者以其知論物而其知之也著若明此釋經上仁體愛也仁愛已者非爲用已也不若愛馬著若明此釋經上仁體愛也言當觀仁于愛物

義志以天下爲芬而能能利不不必用此釋經上義利也  
之又志禮貴者公賤者名而俱有敬侵焉慢字等異論  
其勞此釋經上行所爲不善名行也所爲善名巧也若爲盜  
也禮敬也

此釋經上行爲也言所爲之事無善名是躬行也有善名是巧于盜名也

實其志氣之見也使人如已不若金聲玉服此釋經上實榮也忠不利弱子亥足將入止容此釋經上忠以爲利而强低也孝以親爲芬而能能利親不必得此釋經上孝利親也

信不以其言之當也使人視城得金此釋經上信言合于意也任與人遇人衆惛此釋經上任士損已而爲身之所惡以成人之所急益所爲也謂爲是爲是之台一本作治此釋經上彼也弗爲也謂作廉也廉已惟爲之知其也頤也

一本作知其思耳也是此釋經上廉作非也所令非身弗行此釋經上不爲所作也任爲身之所惡以成人之所急此釋經上任士損已而勇以

其敢於是也命之不以其不敢於彼也害之此釋經上勇敢也言

力重之謂下句與重奮也此釋經上力刑之所以奮也生楹之生楹當商不可必也此釋經上生刑與知處也生楹之生爲形商不可必也此釋經上生刑與知處也生楹之生

句 懵然句利得是而喜則是利也其害也非是也害得是而惡則是害也其利也非是也此釋經上臥而以爲然也平知無欲

惡也利所得而喜也害所得而惡也治吾事治矣人有治南北此釋經上臥而以爲然也平知無欲

其言之忻此釋經上誹明惡也舉告以文名舉彼實也此釋經上譽明美也誹必其行也言也者諸口能之出民者也民若畫僥也僥虎字異文言也謂言猶石致也石當爲實此釋經上言出舉也且自前曰且自後曰已方然亦且若石者也此釋經上且言然也君以若名者也此釋經上君臣名通約也

上作功不待時若衣裘此釋經上功不待時若衣裘句疑衍

萌誤功不待時若衣裘此釋經上功不待時若衣裘句疑衍

賞罪不在禁惟害無罪殆姑上報下之功也罰上報下之

罪也

此釋經上賞上報下之功也罪犯禁也

同二人而俱見是楹也若是君

今久古今且莫宇東西家南北

此釋經上同異而俱之于一也久彌異時也守彌異

所窮句或不容尺有窮句莫不容尺句無窮也

此釋經上窮或有前

尺也窮盡但止動

此釋經上盡始時或有久或無久始當無

久始當時也化若蠹爲鴟

此釋經上微易也損偏也者兼之體也

其體或去存謂其存者損

此釋經上損偏去也儇昫

經作民也

此釋經上儇昫

此釋經上庫區穴若斯貌常

此釋經上庫易也動偏祭從者戶樞免瑟

此釋經上止無久之不止當牛非馬若夫過楹已久之不

此釋經上止以正相盡也中同長也厚惟無所大

此釋經上經上

止當馬非馬若人過梁久也其義未詳必謂臺執者也

臺疑

此釋經上柱隅四罐也倍二尺與尺但去一

此釋經上倍爲二也端是無

支也

此釋經上方矩見

同也

此釋經上端體之有閒

此與下閒舊作

謂夾之者也

此釋經上字

此釋經上閒謂夾者也尺前於區穴而後於端不夾於端

與區內

此釋經上及及非齊之及也

此釋經上不及旁也

木之間謂其無木者也

此釋經上闐虛也

盈無盈無厚於尺無所

往而不得

此釋經上盈得二堅異處不相盈相非是相外

此釋經上有向中也閒謂夾者也尺前於區穴而後於端不夾於端

此釋經上及及非齊之及也

此釋經上不及旁也

攫尺與尺俱不盡端無端但盡尺與或盡

或不盡堅白之摟相盡體摟不相盡端

此釋經上此釋經上似有以相摟有不相摟也

似但字

兩有

一本作目

端而后可

此釋經上似有以相摟有不相摟也

次無厚而後可

此釋經上似有以相摟有不相摟也

然也者民若法也

此釋經上似有以相摟有不相摟也

彼凡牛樞非牛兩也無以非

也辯或謂之牛謂之非牛是爭彼也是不俱當不俱當不

此釋經上說所以明也故不可爲句

必或不當不若當犬

此釋經上說所以明也故不可爲句

兩不可也辯爭彼也辯勝當也爲句

欲離其指

離卽難異文

智不知其害是智之罪也若智之慎文

也無遺於其害也而猶欲離之則離之是猶食脯也騷之

騷躁字假音讀如山海經云食之已騷

欲而騷是不以所疑

利害未可知也

騷躁字假音讀如山海經云食之已騷

欲而騷是不以所疑

止所欲也齎外之利害未可知也

廣字牆俗寫

趨之而得力則

弗趨也是以所疑止所欲也觀爲窮知而儻於欲之理

縣

字異文讀如縣挂之類

齎脯而非恕也

恕惻字異文書無此字

齎指而非愚也

所爲與不所與爲相疑也非謀也

此釋經上爲窮知而儻于欲也大指言所知一事必待爲之而信其利害否

也

此釋經上已成亡使令謂句

謂也不必成濕

句故也

盧云方言自關而西

秦晉之間凡志而不得欲而不獲高而有墜得而中亡謂之溼楊倞注荀子引作濕此濕字與方言義同他合反

也

此釋經上使謂故

名物

句達也有實必待文多

必待所爲之成也

此釋經上使謂故

也

此釋經上使謂故

命之馬

句

類也若實也者必以是名也命之臧

句私也

是名也止於是實也聲出口俱有名

此釋經上名達類私

若姓字

字疑

灑謂狗犬命也狗犬

句舉也叱狗句加也

此釋經上謂移舉加

知傳

受之

句聞也方不障句說也身觀焉句

親也

此釋經上聞說親言所

爲知者有三得之傳受是耳所聞也非方士所阻是人所說也身自觀之則親見也前後文句仿此例讀之

所說也身自觀之則親見也前後文句仿此例讀之

所說也身自觀之則親見也前後文句仿此例讀之

以謂句名也所謂句實也名實耦句合也志行句爲也

此釋

經上名實合爲聞或告之句傳也身觀焉句親也此釋經上見時

者句體也二者盡也

此釋經上見體盡

古兵立反中志工句正也

臧之爲句宣也非彼必不有必也聖者用而勿必必也者

可勿疑仗者兩而勿偏此釋經上合正宜必欲爲早臺句

存也病句亡也買鬻句易也霄與消盡句蕩也順長句治

也蠹買句化也

此釋經上爲存亡易蕩治化

同二名一實句重同也不

外於兼句體同也俱處於室句合同也有以同句類同也

此釋經上同重體合類異二必異句二也不連屬句不體也不同所

句不合也不有同句不類也

此釋經上異二不體不合不類舊脫不體不字

同異交得於福家良恕有無也

此釋經上同異交得放有無

比度多少也免

蜘蛛還園去就也鳥折用桐堅柔也劍尤早死生也處室子  
子母長少也兩絕勝白黑也中央旁也論行行學實是非也難宿成未也兄弟俱適也身處志往存亡也霍爲姓  
故也賈宜貴賤也

已上未詳

此釋經上諾不利用

此釋經上服執說巧轉則求其故大益法同則觀其同法異則觀其宜

經說下第四十三

止彼以此其然也說是其然也我以此其不然也疑是其然也謂四足獸句與生鳥句與物盡句與大小也已上釋經下止類以行人云云至說在之大小此然是必然則俱爲糜同名俱鬪不俱二三與鬪也已上釋經下五行母當勝云云至二與鬪包句肝句肺句子句愛也橘茅句食與招也已上釋經下愛食與招白馬多白句視馬不多視句白與視也已上釋經下白與視爲麗不必麗不必麗與暴也爲非以人是不爲非若爲夫勇不爲夫爲履以買衣爲履夫與履也已上釋經下麗與夫與履履同履二與一亡句不與一在句偏去未有文句實也而後謂之無文句實也則無謂也不若敷與美句謂是句則是固美也謂也則是非美句無謂則報也

見不見離一二不相盈已上釋經下一偏棄之云云至說在見與俱一與二廣循堅白句舉不重句不與箴疑當云不舉箴非力之任也爲握者之顙詳字未倍非智之任也若耳目異木與夜孰長智與粟孰多句爵句親行賈句四者孰貴句麋與霍孰高麋與霍孰霍蠋與瑟孰瑟偏俱一無變假假必非也而後假狗假霍也猶氏霍也物或傷之然也見之智也吉之使智也已上釋與循云云至說在所謂疑逢舊作蓬下同以意改爲務則士爲牛盧者夏寒逢也舉之則輕廢之則重非有力也沛從削非巧也若石羽楯也鬪者之敝也以飲酒若以日中是不可智也愚也智與以已爲然也與愚也俱俱一句若牛馬四足句惟是當牛馬數句牛數馬句則牛馬二句數牛馬句則牛馬一句

若數指句 指五而五一長

已上釋經下字徙說在俱一

字徙而有處字句

宇南北在且有在莫宇徙久

已上釋經下字或徙說在字長久

無堅得白

必相盈也在堯善治句 自今在諸古也自古在之今

句則

堯不能治也

已上釋堯之義也云至說在所異二

景光至句 景亡若在

盡古息景二光夾一光一光者景也景光之人煦若射

下者之人也高句高者之人也下句 足敝下光故成景於

庫廬以

上首敝上光故成景於下在遠近有端與於光故景摩

舊作意改

足敝下光故成景於

景木柂

猶言木斜

景短大句 木正句 景長小句 大小於木則景

大於木非獨小也

已上以表文尚可詳

遠近臨正鑒句 景寡句 貌

能白黑句 遠近柂正句 異於光鑒句 景當俱就去余當俱

余疑亦字俱用北鑒者之臭於鑒無所不鑒景之臭無數而必

過正故同處其體句 俱然鑒分句 鑒中之內句 鑒者近中

句 則所鑒大句 景亦大句 遠中則所鑒小景亦小而必正

起於中句 緣正而長其直也中之外鑒者近中則所鑒大

景亦大遠中則所鑒小景亦小而必易合於而長其直也

鑒鑒者近則所鑒大景亦大亦遠所鑒小景亦小而必正

景過正

已上以鏡言

故招負衡木加以意改

重焉而不撓句 極

勝重也

極謂權也

右校交繩句 無加焉而撓極不勝重也衡加

重於其一旁句 必捶權重相若也

此錘字假音陸德明考工記音義云直僞反劉

直危相衡則本短標長

標猶杪也

兩加焉重相若句 則標必

下句 標得權也挈有力也引無力也不正

舊作心以意改

所挈之

止於施也繩制挈之也若以錐刺之挈長句重者下句短  
句輕者上句上者愈得下句下者愈亡句繩直權句重相  
若句則正舊作心矣收上者愈喪下者愈得上者權重盡  
則遂挈已上以兩輪高兩輪爲轔德記云載以轔車鄭注  
文云輶蕃車下庫也又鄭注既夕記車梯也重其前弦其  
云許叔重說有輜曰輪無輜曰輶輶讀爲輶或作輶說  
前弦直載弦其前載弦其軺玉篇云軺古胡切廣雅云軺  
轂音相近疑而縣重於其前是梯玉篇云軺古胡切廣雅云軺  
轂字異文車也曹憲音輶又音始案軺  
行凡重上弗挈下弗收旁弗劫則下直拋或害之也不公  
傳桓十年有云汎血陸梯者不得汎舊作汎直也今也廢  
德明音義云古流字梯者不得汎据上改直也今也廢  
尺於平地重不下無踴也玉篇云踴蒲唐切蹠踴欲行  
見正字通以爲蹠字之俗若夫繩之引軺也是猶自舟中引橫也倚倍拒堅軺唐宋字  
書無此

字正字通云俗字  
舊注音填走貌倚焉則不正誰姘并字異文石桑石耳已上以車  
制夾寢寢字省文者法也方石去地尺句關石於其下句縣絲  
於其上句使適至方石不下柱也膠絲去石句挈也絲絕  
句引也未變而名易句收也買刀謂泉刀糴相爲賈句刀輕  
則糴不貴句刀重則糴不易句王刀無變句糴有變句歲  
變糴句則歲變刀句若鬻子賈盡也者盡去其以不讐也  
其所以不讐去句則讐舌賈也宜不宜舌欲不欲若敗邦  
鬻室句嫁子無子句在軍不必其死生聞戰亦不必其生  
前也不懼今也懼或知是之非此也有知是之不在此也  
然而謂此南北過而以己爲然始也謂此南方故今也謂  
此南方智論之非智無以也謂非謂非同也則異也同則

或謂之狗其或謂之犬也異則或謂之牛牛或謂之馬也俱無勝句是不辯也辯也者或謂之是或謂之非當也者勝也無讓者酒未讓始也不可讓也於石一也堅白二也而在石故有智焉有不智焉可有指子智是有智是吾所先舉重則子智是而不智吾所先舉也是一謂有智焉有不智焉也若智之則當指之智告我則我智之兼指之以二也衡指之參直之也若曰必獨指吾所舉毋舉吾所不舉則者固不能獨指所欲相不傳意若未校且其所智是也所不智是也則是智是之不智也惡得爲一謂而有智焉有不智焉所春也其執固不可指也逃臣不智其處狗犬不智其名也遺者巧弗能兩也智智狗重智犬則過不

重則不過通問者曰子智覩乎

覩當爲覩卽贏省文

應之曰覩何謂

也被曰覩施則智之若不問覩何謂徑應以弗智則過且應必應問之時若應長應有深淺大常据下文當爲堂中在兵人長所室堂所存也其子存者也據在者而問室堂惡可存也主室堂而問存者孰存也是一主存者以問所存句一主所存以問存者句五合水土火句火離然火鑠金火多也金靡炭金多也合之府水府疑同腐木離木若識麋與魚之數惟所利無欲惡傷生損壽說以少連是誰愛也嘗多粟或者欲不有能傷也若酒之於人也且怨人利人愛也則惟怨弗治也損飽者去餘適足不害能害飽若傷麋之無脾也且有損而后益智者若瘑病之於瘑也瘑卽瘑省文說文云

據熱寒休作今經典省凡此省凡一也凡卽瓜字

智以目見而目以火見而火不見惟以五路智久不當以目見若以火見火謂火熱也非

以火之熱我有若視曰智雜所智與所不智而問之則必曰是所智也是所不智也取去俱能之是兩智之也無若無焉則有之而后無無天陷則無之而無懼疑無謂也臧也今死而春也得文文死也可且猶是也且且必然且已必已且用工而後已者必用工後已均髮句均縣輕重而髮絕不均也均其絕也莫絕堯霍據下文作耀或以名視人或以實視人舉友富商也是以名視人也指是耀也是以實視人也堯之義也句是聲也於今句所義之實處於古句若始於城門與殺臧也狗狗犬也謂之殺犬可若兩腮使

令使也我使我我不使亦使我殿戈亦使殿不美亦使殿荆沉荆之貝也則沈淺非荆淺也若易五之一以楹之搏也見之其於意也不易先智意相也若楹輕於秋其於意也洋洋然段椎錐俱事於履可用也成繪履過椎與成椎過繪履同過併也併當爲外異文一五一焉一有五焉十二焉非斯半進前取也前則中無爲半猶端也前後取則端中也斷必半毋與非半不可斷也可無也已給則當給不可無也久有窮無窮正九一本作凡無所處而不中縣搏也已上釋鑑而立景云至說在搏偃宇不可偏舉字也進行者先敷近後敷遠行者行者必先近而後遠遠脩近脩也先後久也民行脩必以久也已上釋經下景之大一方貌盡俱有法而異或

木或石不害其方之相台也盡貌猶方也

已上釋經下法者之相與也云

云至說在方物俱然

句牛狂與馬惟異

句

以牛有齒

句

馬有尾

句說牛之非馬也不可

句是俱有不偏有偏無有曰

盧云當有

牛字之與馬不類

句用牛角

盧云當爲牛有馬無角

句是類不同

也若舉牛有角馬無角以是爲類之不同也是狂舉也猶

牛有齒馬有尾或不非牛而非牛也可

句則或非牛或牛

而牛也可

句故曰牛馬非牛也未可牛馬牛也未可則或

可或不可而曰牛馬牛也未可亦不可且牛不二馬不二

而牛馬二則牛不非牛馬不非馬而牛馬非牛非馬無難

已上釋經下牛馬之非牛云云

句彼正名者彼此

句

句彼此可

句彼止於彼

句此此止於此句彼此不可

句彼且此也彼此亦可彼此

止於彼此若是而彼此也則彼亦且此此也

已上釋經下循此與彼此

同說在異唱無過無所周若脾和無過使也不得已唱而不和

是不學也智少而不學必寡和而不唱是不教也智

當有少字

而不教功適息

已上釋經下唱和同患云云

句

使人奪人衣罪或輕或重

使人予人酒或厚或薄聞在外者所不知也或曰在室者

之色若是其色是所不智若所智也猶白若黑也誰勝是

若其色也若白者必白今也智其色之若白也故智其白

也夫名以所明

句正所不智句不以所不智句疑所明

句若以尺度所不智

句長外句親智也

句室中句說智也

知若所知云云

句以諒不可也出入之言可是不諒則是有

可也之人之言不可以當必不審惟謂是霍可而猶之非

夫霍也謂彼是是也不可謂者毋惟乎其謂彼猶惟乎其謂則吾謂不行彼若不惟其謂則不行也無南者盧云南當讀如難上下文俱有窮則可盡句無窮則不可盡句有窮無窮有無難之語未可智句則可盡不可盡此三字疑衍未可智句人之盈之否未可智句而必人之可盡不可盡亦未可智句而必人之可盡愛也詩人若不盈先窮則人有窮也盡有窮無難盈無窮則無窮盡也盡有窮無難不二智其數惡智愛民之盡文也或者遺乎其門也盡問人則盡愛其所問若不智其數而智愛之盡文也無難仁已上釋賈宜則售在籍不知其處仁愛也義利也愛利此也所愛所利彼也愛利不相爲內外研愛利亦不相爲外內句其爲仁內也義

外也舉愛與所利也是狂舉也已上釋經下不害愛之云云至仲顏子一若左目右目入學也以爲不知學之無益也故告之也是使智學之無益也是教也以學爲無益也教諱已上釋經下有云論誹諹之可不可以理之可誹雖多誹其誹是也其理不可非雖少誹非也今也謂多誹者不可是猶以長論短不誹非已之誹也不非誹非可非也不可非也是不非誹也已上釋經下誹之可否不以衆寡云云物甚長甚短句莫長於是句莫短於是句是之是也非是也者莫甚於是取高下以善不善爲度不若山澤處下善於處上下所講上也不是是則是且是焉今是文於是而不於是故是不文是不文則是而不文焉今是不文於是而文與是故文與是不文同說也

已上釋經下取上以求下也云云至未案此文傳寫錯謬  
苟讀難定略以所知據前後文及他篇疏通文義恐多臆

見以俟敏求

君子更正之

新考定經上篇本篇云讀此書旁行今依錄爲兩截旁讀成文也

故所得而後成也

止以久也

體分于兼也

必不已也

知材也

平同高也

慮求也

同長以岳相盡也

恕明也

厚有所大也

仁體愛也

日中正南也

義利也

直參也

禮敬也

圜一中同長也

行爲也

方柱隅四譴也

實榮也

倍爲二也

孝利親也

有閒中也

信言合于義也

闊不及旁也

佴自作也

纏閒虛也

謂作嫌也

盈莫不有也

廉作非也

堅白不相外也

令不爲所作也

摶相得也

任士損已而益所爲也

似有以相摶有不相摶也

勇志之所以敢也

次無聞而不擾也

力形之所以奮也

法所若而然也

生形與知處也

佴所然也

臥知無知也

說所以明也

夢臥而以爲然也

攸不可兩不可也

平知無欲惡也

辯爭彼也辯勝當也

利所得而喜也

爲窮知而懸于欲也

害所得而惡也

已成亡

治求得也

使謂故

譽明美也

名達類私

誹明惡也

謂移舉加

舉擬實也

知聞說親名實合爲

言出舉也

聞傳親

君臣名通約也

合缶宜必

功利民也

欲缶權利且惡缶權害

賞上報下之功也

爲存亡易蕩治化

罪犯禁也

同重體合類

罰上報下之罪也

異二體不合不類同異而俱

久彌異時也守彌異所

聞耳之聰也

窮或有前不容尺也

循所聞而得其意心之察也

盡莫不然也

言口之利也

始當時也

執所言而意得見心之辨也

化徵易也

諾不一利用

捐偏去也

服執說巧轉則求其故大益

儇稚祇

法同則觀其同

摩易也

法異則觀其宜

動或從也

止因以別道

讀此書旁行正無非

合古宜心

乾隆癸卯三月星衍方自秦北征巡撫公將刻所注墨子札訊星衍云經上下經說上下四篇有似堅白異同之辯其文脫誤難曉自魯勝所稱外書傳頗有引之否

星衍過晉問盧學士又抵都問翁洗馬俱未獲報閱數月重讀淮南齊俗訓有云夫蝦蟇爲鶴生非其類唯聖人知其化因悟與經說上化若龍爲鶴合又讀列子湯問篇云均髮均縣輕重而髮絕髮不均也均也其絕也莫絕張湛注云髮甚微脆而至不絕者至均故也今所以絕者猶輕重相傾有不均處也若其均也寧有絕理言不絕也又云人以爲不然自有知其然也湛注云凡人不達理也會自有知此理爲然者墨子亦有此說今按經說下有云均髮均縣輕而髮絕不均也均其絕也莫絕輕下脫重字均其絕也句均下無也字又列子仲尼篇云影不移者說在改也湛注云影改而更生非向

之影墨子日影不移說在改爲也今按經下云過併景  
不從說在改爲其文微異而義亦同是知子家多有若  
說晉時尙能讀此書唐人則不及此也又楊朱篇禽子  
曰以吾言問大禹墨翟則吾言當矣湛注云禹翟之教  
忘已而濟物也亦星衍往言墨子夏教之証比復公而  
是卷已刊成無容注處公然其言因据增重字又命附  
其說于卷末俟知十君子焉甲辰上已孫星衍記

墨子卷之十

靈巖山館刊

